

1998

4 1998 ნოემბერი

ISSN 0132-6015

ქართული  
ბიბლიოთეკა

ავს თუ ავი არ ვუწოდო, კარგს  
სახელად რა დავარქო?

სატირისა და იუმორის  
ჟურნალი

# საქართველო



ნახ. ჯ. ლაშვილი

# საქართველოს პრეზიდენტის ბანკარბულება

1998 წლის

4 აგვისტო

ღირსების ორდენით:

ბეჟან სიხარულიძე — მთავარი რედაქტორი  
მამია (ჯემალ) ლოლუა — მხატვარი, რედაქტორი  
რი.

ჟურნალ „ნიანგის“ თანამშრომელთა  
საქართველოს ორდენებითა და მედლებით  
დაჯილდოების შესახებ

ძართული ჟურნალისტიკის განვითარებაში შეტანილი პირადი დიდი წვლილისათვის, საზოგადოებრივ-პოლიტიკური ცხოვრების აქტუალური საკითხების მაღალ-პროფესიულ დონეზე გაშუქებისათვის საქართველოს ორდენებითა და მედლებით დაჯილდოვდნენ სატირულ-იუმორისტულ ჟურნალ „ნიანგის“ თანამშრომლები:

ღირსების მედლით:

მურთაზ აბაშიძე — მხატვარი;  
მარიამ გველესიანი — სტილისტი-კორექტორი;  
ვახტანგ დოხნაძე — ტექნიკური რედაქტორი;  
ლერი ჩანტლაძე — ლიტერატურული რედაქტორი;  
სოფიო ციციშვილი — მდივანი-მემანქანე;  
ნანა ჯაჯანაშვილი — განყოფილების რედაქტორი.

ე. შავარდნაძე

# «ნაშუსის ჯი მართლმად»

კედლის გაზეთის თანამშრომლებმა ჩამოაყალიბეს თანამედროვე ტექნიკით აღჭურვილი საგაზეთო რედაქცია, რომლის სახელწოდებაც „გაზეთი გაზეთების გამოცემის თაობაზე“. ამ გაზეთის გამოცემის სურვილი დაებადათ თვით კედლის გაზეთის თანამშრომლებს. დანარჩენი ყველაფერი თავისთავად მოხდა. მთავარი იყო სურვილი, გაზეთი დაიბეჭდა, დაეწყებას მიცემული კედლის გაზეთი სხვა ფორმით აღორძინდა. უფრო მეტიც, მის ნოყიერ ნიადაგზე მართლაც ყველასათვის საჭირო გაზეთები აღმოცენდა. მაგალითად: ჭერის გაზეთი, იატაკის გაზეთი, კარების გაზეთი, გაზეთების გაზეთი. გაზეთების რიცხვი თანდათან გაიზარდა, როგორც ტირაჟით, ასევე სახელწოდებით. ჭერთან, იატაკთან და კარებთან ზოგჯერ ტუალეტისა და კაპეშირებულის. ამისათვის საჭირო გახდა ტუალეტის გაზეთის გამოცემა, სხვანაირად არ გამიგოთ, ძვირფასო მკითხველო, ლაპარაკია საკითხავ გაზეთზე. ტუალეტში შესვლა შესაძლოა და ჩემის აზრით, საჭიროა კიდევაც განთიადისას, ამისთვის უნდა გამოიკვს განთიადის გაზეთი. ტუალეტში შესვლა გამორიცხული არც შუადღეზეა და არც შუადამეზე. შუადღის გაზეთიც და შუადამის გაზეთიც უნდა არსებობდეს. დემოკრატიაც ეს არის: უნდა წერო და იკითხო რამდენიც გაგებარდება. უფრო მეტიც, უფლება გაქვს წერა-კითხვა არ იცოდე, მაგრამ გაზეთი გამოსცე, პოეტი გახდე, მწერალი გახდე, წიგნი გამოსცე. თუ ფული გაქვს, ტომეულების გამოცემაზეც შეგიძლია იფიქრო. ერთი სიტყვით, საამო არის ცხოვრება მისთვის, ვინც სიმღერა არ იცის და ესტრადაზე კი მღერის, ვინც რეჟისორი არ არის და რეჟისორობს, ვინც უნიჭოა და თავის ნიჭიერების დასამტკიცებლად ტელევიზიას მაქსიმალურად იყენებს. მას ტელესტუდიაში მობრძანებისათ-

ვის მადლობასაც უხდიან. განა არაა მადლობის ღირსი კაცი, რომელიც დილაადრიან ტელევიზიის ეკრანიდან ჭკუას დაგარიგებს, გზარეულ კაცს დაგაკვალანებს? გეტყვის: მატარებლის ლიანდაგზე არ დაგეძინოს კაცია მუნჯადმსავით, თორემ თავს დაკარგავო, ქუჩაში მიმავალმა ორმოს გვერდი აუარე, შიგ არ ჩავარდეო. პირი დაიბანე, კბილები გაიხეხე, საჭმელი ჭამე თუ გაქვსო. ეს ხალხური სიბრძნე ვინმე ჭკვიანმა თუ არ შეგახსენა, შეიძლება ოჯახი დაღუპო. პატივცემულო მკითხველო! მოგაგონებთ ჟურნალ „ნიანგში“ დაბეჭდილ ნახატ თემას (სიძველისათვის ბოდიშს ვიხდი, მაგრამ ამ



თემას კიდევ ათასი წელი აქვს ვადა: დახატულია ზოოპარკი, გისოსების მიღმა წევს ვეება ლომი. სოფლიდან ჩამოსული გლეხი შეჭყურებს ლომს. ლომის გალიას დიდი ასობით აწერია: „თავი არ შეეყოთ, საშიშია!“ „დიდუ!“ — ამბობს გლეხი — „წერა-კითხვა რომ არ მცოდნოდა, ზომ დავლუპავდი ოჯახს?!“ ასეა, ჩემო ძვირ-

ფასო მკითხველო! ამდენი ჭკვიანი ხალხი რომ არ გვეყავდეს, ამდენი სიბრძნე, რომ არ მოედინებოდეს, ამდენი ტრაბახი რომ არ შეგვეძლოს, ხომ დავიღუპებოდით?! კარგი ნათქვამია: შავი და თეთრი აბანოში გამოჩნდებაო. სანამ აბანოში წავიდოდეთ, ტელევიზიაში მივიდეთ, იქ შავიც კარგადა ჩანს, თეთრიც და სხვადასხვა ფერიც. საყრდენი წერტილი საპოვნელასავით საპოვნია, რაც ჯერჯერობით არა გვაქვს. მომეცით საყრდენი და დედამიწას გადავაბრუნებო, თქვა იმ კაცმა, რომელსაც სჯეროდა, რომ მთავარი იყო საყრდენი წერტილი. ვინ თქვა ეს? ეგა თქვა არქიმედემ, მანვე ხმამალა განაცხადა: „ნამუსიც კაი საქონელიაო“, ან „ნამუსიც კაი ძროხააო!“

შანი სიხარულიძე



აპა, ძმაო, გასაღები, შენ თუ ამ მანქანას თბილისში სადმე გააჩერებ და ჯოხიანი ყაჩაღი 30 თეთრს არ წაგართმევს, შენი იყოს! ნახ. ჯ. ლოლუასი, თემა შ. სისხარუშიძისა

მუსულმანური ფუნდამენტალიზმის ერთ-ერთმა ბურჯმა, აიათოლა ჰომეინიმ, თავის დროზე, აკრძალა ირანის ქალაქებში მინისქვეშა გადასასვლელებით სარგებლობა - აქაო-და, ადამიანი მინისქვეშ მხოლოდ ერთხელ, სიკვდილის შემდეგ უნდა აღმოჩნდესო.

როგორც ჩანს, აიათოლას თანამოაზრენი საქართველოშიც არიან.

არცთუ ისე შორეულ წარსულში გორის საკოლმეურნეო ბაზრისა და სტადიონის მიმდებარე მოედნის ქვეშ გაიხსნა მინისქვეშა გადასასვლელი. როგორც ქალაქის მაშინდელი მამები აცხადებდნენ, ის ფაქტი კიდევ ერთხელ მიუთითებდა ხელისუფლების ზრუნვაზე მოსახლეობის ჯანმრთელობისა და უსაფრთხოებისათვის. ერთ გადასასვლელს მეორე მოჰყვა, მეორეს — მესამე და ა. შ. გორელებს სულაც არ ეზარებოდათ და არც ეშინოდათ მინისქვეშ სიარული.

მერმე, ბატონო-ჩემო, დაჰბერა გარდაქმნის სიომ და გორის მინისქვეშა გადასასვლელებმა უცნაური ტრანსფორმაცია განიცადეს. მართალია, მათ გამოყენებაზე ხელი არ აუღიათ, მაგრამ დაავიწყდათ, რა მიზნით აშენდა გვირაბები. ზემოთ ნახსენები მთავარი გვირაბი, მაგალითად, უზარმაზარ შემნახველ საკნად აქციეს, დიახ, დიახ — „კამერა ხრანენიად“. რკინის ვეება ალაცაფით ჩარაზული

გვირაბი ალიონიდანვე იხსნება და გულლიად ემსახურება ნაირ-ნაირ ვაჭრებსა და ვაჭრუკანებს.

რაც შეეხება ფეხით მოსიარულეებს, ისინი (მათ შორის, რაღა თქმა უნდა, ქალები, ბავშვები და მოხუცები) მანქანების ნაკადში ძლივს ახერხებენ მოედნის გადალახვას.

ყველაფერი ეს კი, მკითხველო, ქალაქ გორის მერიასა და საგზაო პოლიციას სულ არ ანუხებს, ის კი არა, შეიძლება სიამოვნებს კიდევც.

თქვენ გგონიათ, მხოლოდ ამ მოედანს ადგას გასაჭირი? ქალაქის ყველა გადასასვლელი ჩახერგილ - გადაღობილი და ამოვსებულია ვაჭართა „გილდების“ მიერ. ბოროტი ენები იმასაც ამბობენ, ქალაქის ზოგიერთ გავლენიან ძიას, რკინიგზის სადგურთან რომ გადასასვლელია, მანდ „საცურაო აუზის“ მოწყობა განუზრახავსო.

იქნებ გორის მერმა, დავით ქობლიანიძემ, დააკმაყოფილოს ჩვენი

ცნობისმოყვარეობა და გაგვაგებინოს, მართლა თუ მისდევს ჰომეინისეულ მუსულმანურ ფუნდამენტალიზმს. თუკი არა — რატომ ჰგონია, რომ გორელ მოქალაქეებს „კამერა ხრანენიები“ უფრო სჭირდებათ, ვიდრე ამდენი წვალბითა და ხარჯით გათხრილ-ამოშენებული მინისქვეშა გადასასვლელები?

ვაჟა შაჰარაშვილი „ნიანგის“ კორესპონდენტი





# საქართველო

## ემსკლუზიური ინტიმპიუ პარლამენტარ ვასიკო რ-თან

- ბატონო ვასიკო, თქვენმა დეკლარაციამ პირდაპირ ფურორი მოახდინა, - საზოგადოება გაოგნებულია.

**ვასიკო** (ივინის) - ვითომ რატომ? რა მოხდა ასეთი?

- „გარდა ხელფასისა და სადეპუტატო შეღავათებისა, არავითარი შემოსავალი არა მაქვს“ - ეს ხომ თქვენი დაწერილია?

**ვასიკო** (ივინის) - კი. მერე-და, მე უარყოფ?

- კი, მაგრამ...

**ვასიკო** (გულიანად ივინის) - თქვით, თქვით, რასაც ფიქრობთ, ნუ გერიდებთ. გინდათ, მე თვითონ ჩამოვითვლით ყველაფერს, რაც თქვენ ენის წვერზე გიტრიალებთ? გინდათ?

- ბრძანეთ, ბატონო ვასიკო!

**ვასიკო** (კარგახნის სიცილის შემდეგ) - უპირველეს ყოვლისა, თქვენ გინდათ მკითხვით, საიდან, რა საშუალებებით მყავს ხუთი მანქანა... ხომ მიგხვდით? (ივინის) მოგახსენებთ! თქვენ ხომ ჩემს შესახებ ყველაფერი იცით და ისიც გეცოდინებათ, რამდენი წევრია ჩემს ოჯახში

- ხუთი.

**ვასიკო** (კვდება სიცილით) - ხედავთ? მერე-და, ცივილიზებულ საზოგადოებაში მანქანა ხომ ფუფუნების საგანი არ არის? ოჯახის თითოეულ წევრს არ უნდა ჰქონდეს გადაადგილების საკუთარი საშუალება?

- კი, მაგრამ...

**ვასიკო** (ივინის) - თქვენ გინდათ თქვათ, რომ ჩემი მეორე შვილი თორმეტისაა და მესამე კი - შვიდის? ხომ მიგხვდით? (ხარხარებს) მერე რა, არ გაიზრდებიან? იქნებ გინდათ, რომ არ გაიზარდონ? ა? (ივინის მაგრად).

- როგორ გეკადრებათ!..

**ვასიკო** (არ ივინის) - რა ვიცით ხალხნი ვართ!.. მანქანებს მოვრჩით.. ახლა თქვენი შემდეგი შეკითხვა: სამი მოზრდილი ბინა თბილისში, აგარაკები წყნეთში, ურეკში და ბაკურიანში... ხომ მიგხვდით? (ივინის და რას ივინის) უნდა

მოგახსენოთ, რომ ჩემი არცერთი არ გახლავთ - სამი შვილი - სამი ბინა, სამი აგარაკი - სამი შვილი...

- თქვენთვის რატომ არ ზრუნავთ?

**ვასიკო** (ხითხითებს) - მიგიხვდით ირონიკულად? რის, უცხოელმა მეგობრებმა იზრუნეს ჩვენთვის? ერთი პატარა, მოცუცქული ბინა გვიყიდეს. დიდი მორიდებით შემოგვთავაზეს. უარს ხომ ვერ ვეტყვოდით? (გადაიხარხარებს).

- ცხადია!

**ვასიკო** (არ ივინის) - გინდათ შემდეგი კითხვა გამოვიტყვო?

„ეგ ყველაფერი კარგი, მაგრამ შვილების ბინები, აგარაკები და მანქანები ვისი ფულითაა ნაყიდი?“ ხომ გამოვიტყვო, ა? (სიცილისგან ლამის ჩაბუირდეს). გეტყვით, ჩემო კარგო, გეტყვით: მამაჩემი, კოტე, მთელი ცხოვრება პატიოსან ბიზნესში იყო ჩართული და ჩემს მეტი არავინ ჰყავდა. გარდა ამისა, სიმამრმაც საკმაოდ სოლიდური მემკვიდრეობა დამიტოვა... აა, ვიცი, რაც უნდა მკითხოთ: თქვენ მეუღლეს ძმები და დები ხომ ჰყავს? კი, ძვირფასო, ჰყავს, მაგრამ თავის მხრივ იმათაც ჰყავთ მამამთილები და სიმამრები. არა, ერთი მითხარით, რატომ არ უნდა ჰყავდეთ? (ჰალსტუხს მოიშვებს და ხმაძალა ივინის).

- კი მაგრამ...

**ვასიკო** (არ ივინის) - თქვენ გინდათ მკითხვით, ეს ასდლოლარიანი ჰალსტუხი რატომ მიკეთია, ან ათასხუთასდლოლარიანი კოსტუმი რანაირად მაცვია, ან ხუთასდლოლარიანი ფეხსაცმელი... (ივინის და ივინის) ან... არა, ერთი ეს მიბრძანეთ, რატომ გინდათ, რომ თქვენს არჩეულ დეპუტატს მათხვარივით ეცვას?

- როგორ გეკადრებათ, ვის უნდა?!

**ვასიკო** (არ ივინის) - ბევრს უნდა, ჩემო კარგო!.. ახლა იმ შეკითხვებზე ვთქვათ, ბოლოსთვის რომ გაქვთ შემონახული... კი, ვიცით, ვიცით, ბატონო, რაც უნდა მკითხოთ (გულიანად ივინის): რესტორან „ამერიკის“ წილში ვარ თუ არა, სასტუმრო „მექა“ ჩემია, თუ არა და თუ ვარ ჩართული „წყაროსწყლის“ ბიზნესში... ა, ხომ გამოვიტყანი? (კისკისებს). არა, ჩემო კარგო, არსად ჩემი გვარი და სახელი არ ფიგურირებს. ვინც არ უნდა მიტრიალოს და ქექოს-ჩხრიკოს, კოვზი იმ ნაჩხრეკში ჩაუვარდება!.. ახლა, ჩემო ბატონო, თუ მეგობრები ზოგჯერ რაიმე თანხით დამეხმარებიან, ამას დეკლარაციაში ხომ ვერ ჩაწერ, ა? (ივინის).

- ცხადია! (კორესპონდენტიც ივინის)... გმადლობთ ექსკლუზიური ინტერვიუსათვის!

**ვასიკო** - როცა გენებოთ, მზადა ვარ!

(ორთავენი გულიანად ივინიან)

ესაუბრა მამა თელია

## მომღერალი ბაყაყები არაყიშვილის ქუჩაზე

ქ. ქუთაისში დიმიტრი არაყიშვილის ქუჩაზე ახალი კორპუსის მშენებლობას ჩაუყარეს საფუძველი. საფუძველს ვამბობ, თორემ რა საფუძველი, ამოთხარეს მიწა და შემოზიდეს საამშენებლო მასალები, შემოზიდული მასალები შემოზიდულად დარჩა, ამოთხრილი მიწა კი ამოთხრილად. მას შემდეგ ბევრმა წყალმა ჩაიარა, ჩაიარა ვამბობ თორემ არ ჩაუვლია, პირიქით, ამოთხრილ საძირკველში ჩადგა. 5 წელიწადია ბავშვების კა-

ლათბურთის მოედნის ნაცვლად ცხრასართულიან კორპუსს ველოდით, მოლოდინიც მოლოდინად დარჩა, ცხრა სართულიანი კორპუსის მაგიერ ხელოვნური ტბა გაჩნდა. ხელოვნურ ტბას თავისი ახალი მობინადრეებიც მოჰყვნენ: ბაყაყები, კოლოები, მღრღნელები და ათასი მანვნი მწერები. ბაყაყებმა მუსიკალური სკოლა გახსნეს, ხელოვნური ტბის ბაზაზე, მათ კოლოებიც შეურთდნენ და ისეთი სასიამოვნო ხმები გამოდის, მთელ უბანს არ სძინავს. დღისით ვახერხებთ ძილს, ღამით კი ბაყაყები გვარტობენ.

პატივცემულო „ნინანგო“ იქნებ თქვენ დაგვეხმაროთ და გვიხსნათ ამ წამებისაგან.


ტიტა ქავთარაძე



- რამ მოგატაცებია ეს მახინჯი?
- მამა ჰყავს შილიონური!
- მერე, მამა მოგეტაცებია შე კაცო, ამას მაინც აჯობებდა!

ნახ. მ. გალაკონიას  
თემა მ. მარკვილიშვილისა

## სეკუიზონი



- ერთი დაურეკე ამ კლიენტს, - ქალაღდის ფურცელი გაუწოდა თანაშემწეს ბანკის პრეზიდენტმა. - ფერადი ტელევიზორი „ფილიპისი“ აქვს წაღებული. ძალიან დააგვიანა მორიგი შესატანის გადახდა.

- კი ბატონო.
- თანაშემწე მისაღებში გაბრუნდა, ტელეფონს მიუჯდა და ნომერი აკრიფა:
- ალო? - შემოესმა ქალის ხმა.
- ქარაიას ბინაა, ქალბატონო?
- დიას.
- ბატონ სიმონს სთხოვეთ!
- შინ არ გახლავთ, მოსკოვს გაფრინდა გუშინ. ვინ ბრძანდებით?
- ბანკიდან ვირეკავთ.
- ბანკიდან?! - განცვიფრდა ქალი. - რა ხდება?
- თქვენ მეუღლე ბრძანდებით?
- დიას.

- ქალბატონო, კარგად მუშაობს თქვენი ტელევიზორი?
- რაო? ტელევიზორი საერთოდ არა გვაქვს. დამცინით?
- როგორ გეკადრებათ, ქალბატონო! აი, წინ მიდევს ხელშეკრულება. თქვენმა მეუღლემ სიმონ ბიკენტის ძე ქარაიამ, გასული წლის დეკემბრის დამდევს „ფილიპისი“ მაღაზიიდან გაიტანა ფართოეკრანიანი ფერადი ტელევიზორი, პირველი შესატანი გადაიხდა, მეორე კი ძალზე დააგვიანა. ასე რომ...

- მოითმინეთ! - ქალს აშკარად დაეტყო მღელვარება.
- აქ რაღაც შეცდომაა, აბა, მისამართი წამიკითხეთ. მისამართიც დაემთხვა...
- ერთ საათში მღელვარებისაგან ფერწასული, აქოშინებული ქალი ბანკში მიგარდა. გული ხელით ეკავა.
- მიჩვენეთ ის ხელშეკრულება! - მოითხოვა.
- უჩვენეს. ქმრის ხელი იცნო.
- ნამდვილად იმ გათახსირებულს უყიდა მაგ უსინდისომ! - ხმა ჩაეხრინწა ქალს. - საყვარელს ფერადი ტელევიზორი შეუძინა, მე კი სივარეტის ფულს მთხოვს... ჩამოეთრეს ერთი...
- სიმონი „ჩამოეთრა“ და პირველი, რაც სახლში შესვლისას თავში მოხვდა, იატაკის საწმენდი ჯოხი იყო.
- გონს საავადმყოფოში მოგვო.

წუგნარ აზნაზაზა

# დაცნიკობა ანუ „სოცოცხლე! ხეირი!“

თანამედროვე ცივილიზებულ საზოგადოებაში არსებობს ისეთი ჩვეულება, რომლის ახსნას არავინ ცდილობს: ეს გახლავთ დაცნიკობაზე შემსწრეთა რეაქცია!

ადრე თვლიდნენ, რომ სული გამოდის ადამიანის ორგანიზმიდან, ან შთაებრება მას. ზულუსები ცხვირის დაცემინებისას, ე. ი. დაცნიკებისას, მტკიცედ არიან დარწმუნებულნი, რომ გარდაცვლილ ადამიანთა სული ეწვიათ მათ და ან სიკეთეს აქნევიან, ან ბოროტებას.

ცხვირის დაცემინება შეახსენებს ადამიანებს, რომ დაუყოვნებლივ ახსენონ იტონგოს (წინაპართა სულის) სახელი. სწორედ ეს იტონგო უჩივიანებს კაცს ცხვირში, მან უნდა იგრძნოს, რომ იტონგო მასთანაა. თუ კაცი ავადაა და ცხვირს არ აცემინებს, მნახველები მის პატრონს ეკითხებიან — დააცემინა ცხვირი თუ არაო, ხოლო როცა გაიგებენ, რომ არ დაუცნიკებია, სიბრალულის ნიშნად თავებს აკანტურებენ — „მძიმე სენი აქვს შეყრილი და ჩქარა გუდა - ნაბადს აიკრავსო“... ზულუსები ერთთავად ცხვირისცემინებაში არიან, რაც იმის ნიშანია, რომ სულები არიან მათთან. ისინი დიდ ქებას ასხამენ სულებს და „მაკოზის“ (ბატონებს) უწოდებენ.

ცხვირის დაცემინების ექო ძველი დროიდან მოედინება. საბერძნეთსა და რომში კარგადაა ცნობილი ტელემაქეს ბედნიერი ცხვირის დაცემინება; ერთი ჯარისკაცის ცხვირის დაცემინებამ მთელს არმიას გადაუარა და მას მოყოლილი ღვთის სადიდებელი ყიჟინა ქსენოფონტემ ბედნიერ წინასწარმეტყველებად მიიჩნინა. არისტოტელემ ისიც აღნიშნა, რომ ხალხი ცხვირის დაცემინებას ღვთიურ მოვლენად მიიჩნევდა. ცნობილია ბერძნული ეპიგრამა გრძელცხვირა კაცზე, რომელიც დაცნიკებისას დროზე ვერ წამოიძახებდა ხოლმე — „ზევსო, შენ მიხსენო!“, იმიტომ რომ ცხვირის დაცემინების ხმა ძალიან გვიან აღწევდა

მის ყურამდე.

მსგავსი ადათ-წესები ცხვირის დაცემინების დროს აზიის და ევროპის მრავალ ქვეყანაში არსებობს. ინდოელს შესძახებენ — „იცოცხლე!“ ხოლო იგი მიუგებს — „თქვენთან ერთად!“ ებრაელს ეტყვიან — „ტობიმ ხაიმ!“ — „კარგი ცხოვრებაო“. მუსულმანები ცხვირის დაცემინებაზე მაშინვე წამოიძახებენ — „დიდება ალაჰს!“ აი, როგორ უყურებდნენ



ცხვირის დაცემინებას შუა საუკუნეების გერმანიაში: „კერპთაყვანისმცემლებმა არ უნდა გაბედონ ცხვირის დაცემინება, იმიტომ, რომ მას უნდა უსურვო — „ღმერთმა გიშველოსო!“, ამას მხოლოდ ჩვენ ვამბობთ, გერმანელები, ცხვირის დაცემინებაზე. ეს მთელი კანონი იყო. წარმოიდგინეთ იმ კერპთაყვანისმცემლის მდგომარეობა, რომელსაც გერმანელთა შორის ცხვირში შეეღიტიებოდა დასაცნიკებლად! ინგლისში ამბობენ: იმ კაცს, ვინც დააცემინა, თუ მაშინვე ჯანმრთელობა არ უსურვეთ, ეს ძალიან ცუდი იქნება მისთვის. ფრანგულ „თავაზიანობის წესებში“, რომელიც საფრანგეთში 1685 წელს გამოიცა, იკითხება: „თუ მისმა კეთილშობილებამ დააცემინა, თქვენ მთელი ხმით არ უნდა შესძახოთ — ღმერთი იყოს თქვენი შემწე, ბატონო! მაგრამ ქუდი უნდა მოიხადოთ, უხმოდ თავი უნდა დაუკრათ მას და ეს თქვენთვის უნდა ჩაილაპარაკოთ“.



ასეთი სურვილები და შეძახილები ცხვირის დაცემინების დროს ჯერ კიდევ არსებობს თანამედროვე ევროპაში. სრულიადაც არ ჩანს უცნაურად ის, რომ ასეთი უაზრო ჩვეულება მთელი საუკუნეების მანძილზე გრძელდება. ეს მხოლოდ ცნობისმოყვარე მკვლევართათვის რჩებოდა გამოცანად!

— აფხხი!  
— ხეირი!

ზურლან ბამაზაშვილი

# ბიბსკოტს საქართველო

თარგმანი  
ზინაიდიძე



ჩვენი სტუმარია უკრაინის მოქალაქე ქ. ხარკოვიდან, მხატვარი ვ. ვ. ნახატ-კარიკატურებს თარგმანის გაკვეთილები.



# კვირზე ერთი საუბრობებს

## სიმაართლე ხუმრობით

თუ ვისმე წვეულება აქვს  
მისდინხარ, არა გვიანობ,  
დაპატიუება რად გინდა,  
სირცხვილი რასა ჰქვიანო?  
მარჯვენით ვერვის წააღუქ,  
პირველ უქნარად გოვლიანო,  
ვაი, ეგეთა კაცობას,  
თუ მას კაცობა ჰქვიანო.

\*\*\*

დაუფიქრებლად ყვირიხარ,  
რაც მოგადგება პირზედა,  
ისაც ხომ ეგეთი არის,  
მეტი რითა ხარ ვირზედა?

\*\*\*

ღრინავ და არავის ინდობ,  
მუდამ შარი გაქვს საეზლადა,  
კაცი ხარ, მაგრამ გიცნობენ  
გადაკეთებულს ძალადა.

**პალიკო ხუცურაული**  
დუშეთის რაიონი,  
სოფელი ხორხი



თქვენ გუნაცვალის თამადა! აი, ასე უნდა შეისვას აფხაზეთის სადღევრემლო, სამ-  
შობლოსათვის თავდადებაც ამას ჰქვია!

ნახ. ლ. შარაძეშვილისა

## რასაც ვამბობ, სწორია!

არავინ არ გაიკვიროს, რასაც ვამბობ სწორია:  
— ახლა ჩვენი ცხოვრება მინუს ერთის ტოლია.

\*\*\*

გლეხს წაფართოვით თოხი და ფიწალი და სახნისი,  
დაფაყენეთ ბაზარში ნაღდი დიასახლისი.

\*\*\*

საწღვარეუარეთ ვაგზიდეთ თქრო, ვერცხლი, სხილენიძი,  
მათი სანაცვლოდ თბიუმს, მორფს და ჰაშიშს ვიძენდი.

\*\*\*

შევაძულეთ ჩვენს ბაღლებს ვაზეთი და წიფნები,  
სადღაც ბორიალობენ მათი წრფელი ფიქრები...

\*\*\*

ტყე და ზვარი ორივე ერთად აგვიკაფია,  
ყველაფერი დაგუთმეთ ფირმასა და მაფიას.

\*\*\*

ხომ არ გიკვირთ? რაცა ვთქვი, ყველაფერი სწორია,  
ეს ცხოვრება, ნამდვილად, მინუს ერთის ტოლია!

## პოეტი და პოლიტიკა

პოლიტიკა საერთოდ არის მიეთ-მოეთი,  
ადრე ვთქვი და იმავეს ვიმეორებ ყოველთვის:  
— პოლიტიკა არ არის საქმე ნაღდი პოეტის!

თუ ეფერე პარლამენტს, სპიკერსა და პრეზიდენტს?!  
მაშინ ტვირთი პოეტის სუსტი მხრებით ვერ ზიდეს!  
მაშინ ცდები, კვლავაც ცდები, ცდები ასჯერ ზედიზედ!

ბიორბი მებრეპელი

# კვირზე ერთი საუბრობებს



დღეს ტექნიკა ბრინდოზავრის ნაბიჯებით მიდის წინ და შორს არ არის ის დრო, როცა მარკეტებში და სუპერმარკეტებში გაიმართება ასეთი დიალოგი:

— მომეცი ამერიკული გული.

— ქალო, ყველაფერი ამერიკული რომ გინდათ, ქუთაისის გამოშვება გვაქვს, ნაღდი ქართული გული, გაგიხვით?

— კაი, თუ ძმა ხარ, რაღა დროს ქართული გულია!

— თურქული გულების ახალი პარტია მივიღეთ გუშინ, ამოარჩიეთ, რომელიც გნებავთ.

— ამერიკული გული მინდა-მეთქი, მგონი გარკვევით გითხარით.

— გაგვითავდა, ერთი საუკუნე მოგინევთ მოცდა. მანამდე კანადურით ისარგებლეთ...

ერთი სიტყვით, მყიდველს რა გამოლევს, ყველას თავისი გემოვნება ექნება, ჩვენი მრეწველობა მათ მოთხოვნილებას გაითვალისწინებს და ფართო ასორტიმენტის გულებს დაამზადებს.

როგორც წესი, გამოვა მარტო პლასტმასის გულები, რადგან რკინისა და ქვის გული ბევრს აქვს და მათი დამატებითი გამოშვება აუცილებელი არ იქნება.

შორს არ არის დრო, როცა ფირმების ხელმძღვანელთა კაბინეტის კარებზე ასეთი წარწერა გაჩნდება:


„მოთხოვნელთა საყურადღებოდ: ვისაც დიდი გული გაქვთ, ჩააბარეთ მდივანს. ფირმაში დიდგულთა შესვლა აკრძალულია“.

ბუნებრივია, რომ ყოველ სიახლეს ნაკლები ზნაღს. ამ მხრივ ვერც ჩვენ ვიქნებით დაზღვეულნი, ჯერ ერთი, საჭირო გახდება სოციალური უზრუნველყოფის სფეროს თითქმის ყველა მუშაკის გამოცვლა, რადგან ისინი უგულოდ ემსახურებიან პენსიონერებსა და ინვალიდებს. მეორეც, დავკარგავთ შესანიშნავ გამოთქმას: „ვაიმე, ჩემი გული ვჭამე“, ვინაიდან პლასტმასა ჯერჯერობით საჭმელად არ ვარგა. მესამე და ალალმართალი: ველარ ვიმღერებთ: „გული, მაჩუქე გული, რა კარგი ხარ, გოგონიი“. ასეთი

ძვირი საშოვნელი აღარ იქნება გული და აღარც ასე სახვეწრად გაგვიხდება საქმე.

წყევლა: „შენ გაგისკდა ეგ გული!“ — საშიში აღარ იქნება. დროთა განმავლობაში, ადამიანის ყველა დასაბრმავებელი, მოსატეხი, გასახმობი და ჩასასკდომი ნაწილი ხელოვნური იქნება და ყოველგვარი წყევლა ძალას დაკარგავს, აქედან გამომდინარე, რძალ-მულსიდედრ-დედამთილები დამუნჯდებიან და დედამიწაზე იდეალური სიმშვიდე გამოედება.

ბ. ჭინჭარაული



— შეილო! კიდევ მომიტანე ცივი წყალი!

— თავი შეინახე კაცო, ამის შემდეგ ორ სერიანი ფილმი იწყება რუსთავის არხზე.

**მათხვარი  
ხუმრობს**

# ჩემო ძვირფასო „ნიანგი“

● ზარმაცი მთიბავის ნამგალო, ადვილი გამოსაცნობია,  
● ზოგჯერ ძალი პატრონზე კეთილია.  
● რაც ცხენი ხმარებიდან გამოვიდა, ვინცს დასწამა აი-  
გინა-მარცხა  
ზურა შინკორაშვილი

თითქმის ხელი მქონდა ჩაქნეული, დაგკარგეთ-მეთქი „ნიანგი“, მაგრამ ამას წინათ თბილისში ჩამოსულს კიდეც რომ შემიძხვდა, სიხარულის ელდა მეცა, თითქოს შენთან ერთად მთელი ეპოქა დამიბრუნდა. ნაგვიანუვად გილოცავ 75-ე წლისთავს, რა 75 წელი უკვდავებისათვის? — არაფერი! პირფერობაში კი ნუ ჩამომართმევ! უკვდავი ხარ აბა, რა?.. შუქ-ჩრდილებს რა გაძლიევს და სატირაცა და შენი საღი, ცინცხალი იუმიორიც შედამ საჭიროა. გული მწყედებოდა — რაღა აღარ იბეჭდება და „ნიანგი“, აღბათ, სადღაც სიმწრით იგუდუბა-მეთქი, მაგრამ როგორც ეტყობა, სამართალმა მაინც უნდა ჭამოს პური.

იცოცხლე დიდხანს, დიდხანს!


პატივისცემით შენი  
რომან ზუშაბაშვილი

საგარეჯოს რ-ნი სოფ. პატარსეული

# ვაჟას მოსახლეთ

სახელ არც აგწევს, არც დაგწევს, ვაჟაი ხარ თუ ვეძალი, ყურძენს სიტკბოს ვერ წაგართმევთ თუგინდ დაგარქვათ ტყეძალი.  
კვტომ

ქართლ-კახეთში, იმერეთში დღეს რომ ვაჟა მრავალია პოეზიას თუ ვერ ქმნიან, დიდ ვაჟასი რა ვალია? აქეთ ვაჟა, იქეთ ვაჟა, სახელი ხომ ყველას ყოფნის, მაგრამ მკვდარი დიდი ვაჟა ათას ცოცხალ ვაჟას ჯობნის. ვინატრებდი ასეთ რამეს, ღმერთმა ქნას და ამიცხადოს: დიდ ვაჟაზე გენიოსი თუნდაც გივი დაგუებადოს. ვაჟა სახელს არ ეძებდა, იმ დროს იგი ერთი იყო, მიწიერი, სორციელი, პოეზიის ღმერთი იყო. უალვა ჭოლიკაშვილი



ნახ. ა. პრაბისა



- ვინაა ქალო ეს კაცი?!
- თელასიდანაა, ჩვენი ელექტრონიკასატრეზი
- შერე მრიცხველი ლოგინში გაქვს?



ნახ. ზ. ლუგვასი  
თემა მ. მერკვილიშვილისა



- ბატონო მოსამართლე, ბოდიშს ვიხდი, თქვენს სამოსს ჯიბე არა აქვს და იძულებული ვარ ხელში მოგცეო!

# ფული ანუ ხელის ...

დაბადებიდან სულ იმას ჩამჩინებდნენ, რომ ფული ხელის ჭუჭყია, სულის სიბინძურე, გულის მანკი, რომ ვისაც ფული აქვს, უძილობა სჭირს, რომ უფულო კაცი იძინებს მშვიდად და ფერად-ფერად სიზმრებს ხედავს.

საბავშვო ბაღში მარიგებდნენ, ქუჩაში ფული რომ ეგდოს, იცოდე არ აილო, რადგან დიდი ბუა იყურება ზემოდან და როგორც კი სხვის დაკარგულ ფულს დაწვედები, მაშინვე დაგაცხრება თავზე, კლანჭებს ჩაგასობს, აგიტაცებს და ცხრა მთას იქით გაგაქროლებსო.

სკოლაში მასწავლიდნენ სიბრძნეს, რომ ქონება მგზავრია: მოვიდა, წავიდაო, რომ შენი სიმდიდრე ქვეყნისადმი თავდადებული შრომა და დიდი სამშობლოს სამსახურიაო (პატარა სამშობლოს ხსენებაც კი აკრძალული გვექონდა).

ინსტიტუტში პირდაპირ ტვინში ჩამიდეს ერთი ნაცარქექია ფშაველის სიმთვრალეში ნათქვამი: სიმდიდრეს ერთი ფშაური შამღერება მიჩვენიაო.

დავინყე სამსახური და ყოველდღე იმას მიკიჟინებდნენ, გამდიდრებულ ადამიანს იმდენი მტერი ჰყავს, რამდენი მანეთიც უდევს ჯიბეშიო.

მეც რაღა დამრჩენოდა, ამ „სიბრძნეს“ რომ არ გავყოლოდი, ასე ჩამოყალიბდა ჩემგან უფულო დეგენერატი. მე, ნაპიონერალ, ნაკომკავშირელ იდიოტს ფულის შოვნა ისეთ ცოდვად მიმაჩნდა, რომ ჯოჯოხეთში მოხვდებოდი და ღმერთი ასანთის გაკვრის უფლებას არ მომცემდა ჩემთვის განკუთვნილი ადგილის გასანათებლად.

თურმე ღმერთსაც არ ეხატება გულზე გატილიანებულ-გარწყილიანებული ადამიანი. ამას დღეს, სიბერეში, ვგრძნობ ყველაზე მეტად, ცარიელი მუთაქა რომ მიდევს თავქვეშ და სიღარიბე ისე შემომეჩვია, როგორც დამწყები მწველი, წამდაუნუნ რომ მთხოვს შეკონინებული თეთრებით ნაყიდ სიგარეტს.

არადა, სულ ფულის გასაკეთებელ ადგილებზე მიხედებოდა სამსახური. ერთმა, მაშინდელი ჩემი გაგებით, ყოვლად უნამუსო და ქვეყნის დამანგრეველ-დამაქცევარმა ადამიანმა, ისიც კი შემეკადრა: რა ტყუილად აცდენ ადგილს, შენზეა ნათქვამი, ავი ძალი არც თვითონ ჭამს, არც სხვას აჭმევსო.

რა ვიცოდი, რომ საქართველოშიც დადგებოდა ისეთი დრო, როცა პროლეტარები ყველა ქვეყნისა კი არ შეერთდებოდნენ და მდიდრებს არ ეცემოდნენ ყელში, არამედ თვითონაც ისწავლიდნენ ფულის კეთებას და „გამოპროლეტარდებოდნენ“.

ეჰ, ჩემი დრო უკვე წასულია, აწი მე ფულს თუ დავხარჯავ, თორემ ვეღარ ვიშოვნი. ბიუჯეტზე ჩა-

მოკონნიალებული მუშაკი გახლავართ, ბიუჯეტი ქვეყნის შემოსავლის მონაა. ეს შემოსავალი კი ისეთი კუს ნაბიჯით მიდის წინ, ფეხს რომ გამოჰყოფს და დაიძახებს, მეც ნახირ-ნახირაო. **ერქონული**

სწორედ იმ ნახირის ერთი რქოსანი შემადგენელი ნაწილი ვარ, დღეს ფეხებზე რომ ჰკიდია ყველას და სწორედ იმიტომ, რომ ჩემი შთამომავლობაც ამ დღეში არ ჩავარდეს, ანდერძად ვუტოვებ შემდეგ შეგონებებს:

არც ხელის ჭუჭყი, არც რამე სუნი, ამ ქვეყნად მხოლოდ ფულია მსხნელი... იშოვნეთ ფული, არა აქვს სუნი... ვინც გულმოდგინედ აგროვებს ვალებს, „იდი ნა ხერო“ — ეტყვიან ხვალე.

გიგა მახვილაძე



ღაუთმე დეიდას ადგილი!

ნახ. ჯ. პრისთავისა  
თემა მ. მერაპვილიშვილისა



- როგორ გაფუჭდა ხალხი, აგერ ერთმა რუსული ფული შემომბაპრა!  
- ნუ იკითხავ, თვალსა და ხელს შუა დახეული ლარიანი შემომბატყუეს!

ნახ. ჯ. ლოლუასი  
თემა მ. მერაბილიშვილისა

## რეკორტაჟი «საიქიოდან»

(ნამდვილი ამბავი)

დიახ, ნამყოფი ვარ!  
ორმოცდაათიან წლებში გახლდით „საიქიოში“  
კაბინეტები!  
არაჩვეულებრივი კერძები!  
ნატურალური, კახური (დიახ, დიახ, იქაც კახური)  
ღვინო!  
მუდამ მომღიმარე, თეთრხალათიანი ოფიცინტი! ნაღ-  
დი ეშმაკი! ისე მოგემსახურება, რომ თავი სამოთხეში  
გეგონოს!  
აქ ალბათ უპრიანია იმ ანეკდოტის გახსენება, საბ-  
ჭოთა პერიოდში რომ იშვა: საიქიოში რომ მოსკდა,  
ორი კარის წინაშე აღმოჩნდა მიცვალებული. „ჯოჯო-  
ხეთი“ — ეწერა ერთს! გამოაღო კარი და რას ხედავს:  
გამლილ სუფრას უსხედან მოქეიფეები, მუხლებზე ულა-  
მაზესი გოგონები დაუსკუპებიათ, დიდრონი თასებით  
შეექცევიან სასმელს, მღერიან და დროს ატარებენ. მი-  
ხურა კარი მიცვალებულმა და ახლა ის კარი გამოაღო,  
რომელსაც „სამოთხე“ ეწერა! ხედავს: მწვანე კონდა-  
რით მოფენილ ველზე, თეთრ მოსასხამიანი მიცვალე-  
ბულები დასეირნობენ, ნაირფერ ყვავილებს კრეფენ, ერ-  
თმანეთს მიართმევენ და უღიმებიან!  
ელვის სისწრაფით მიხურა „სამოთხის“ კარი მიცვა-  
ლებულმა და — ჯოჯოხეთში მირჩევნიაო! — იყვირა!  
ეცნენ ეშმაკები მიცვალებულს, აიტაცეს და ცეცხლზე  
შემდგარ კუპრით სავსე ქვაბში გადაუშვეს!  
„აბა, ის ქეიფი რაღა იყო?“ — ამოილულულა


ტკვილებსაგან გატანჯულმა მიცვალებულმა.  
„ის, აგიტპუნქტი იყოო!“ — ხარხარით უპასუხეს ეშ-  
მაკებმა...  
დღევანდელ საქართველოში „აგიტპუნქტი“ „რეკლამ-  
ამ“ შეცვალა, მაგრამ ჩემს მიერ აღწერილი „საიქიო“,  
როგორც უკვე მოგახსენეთ, ნამდვილი ამბავია და მე  
იქ ნამყოფი გახლავართ!  
იქაც ისმებოდა ბრტყელ-ბრტყელი სადღეგრძელოე-  
ბი! იქაც ფეიცებოდნენ ერთმანეთს სიყვარულს და მერე  
ცხვირპირს უერთიანებდნენ! მერე ვის აღარ ნახავდი  
„საიქიოში“: მეცნიერებსა და სტუდენტებს, ხელოვნების  
მუშაკებსა და ხელოსნებს, სამართალდამცავი ორგა-  
ნოებისა და კრიმინალური სამყაროს წარმომადგენლებს,  
ბანოვანებსა და ბოზებს, მოხუცებსა და ახალგაზრ-  
დებს! მამაჩემიც მინახავს საიქიოში, მაგრამ იმას ჩვენ-  
თვის არ ეცალა. იჯდა ცალკე, თავის ოთახში და საან-  
გარიშოს აჩაკუნებდა! მამაჩემი „საიქიოს“ ბულალტერი  
იყო. ჩემს მიერ აღწერილი სამყარო კი, ორმოცდაათი-  
ან წლებში საკმაოდ პოპულარული, ჩვეულებრივი „სა-  
სადილო“ გახლდათ, რომელიც ვაკის სასაფლაოს სიახ-  
ლოვეს ფუნქციონირებდა და სწორედ ამიტომ შეარქვა  
ხალხმა „საიქიო!“

ვასო რცხილაძე



— ბატონო პროფესორო! უიმედო მდგომარეობაა, არც პატონი ჩანს და არც ფული!

ნახ. ა. პრაპოსა



უტყუარ სინამდვილეს გიყვებით!..

გარეკახეთის ერთ-ერთ რაიონში, უმეტესწილად, რაჭველებითა და იმერლებით რომაა დასახლებული, ოჯახის მარჩენალი, ჭარმაგი კაცი სიცოცხლეს გამოესალმა.

დატრიალდნენ ჭირისუფალნი: შვილები, შვილიშვილები, შვილთაშვილები, ამოიტრიალეს ჯიბეები და... ქელეხისათვის საჭირო თანხა ვერ მოიძიეს.

რალა ჩარა იყო, აფრინეს კაცი კერძო ბანკში, აიღეს ერთი კვირით პროცენტის ვალი იმ იმედით, რომ შემონირული ფულით გადაიხდიდნენ.

უჩვეულო მზიანი დარი დაუდგა ცხონებულს და იქნებ ამიტომაც, გათვალისწინებულზე მეტი ხალხი მობრძანდა დაკრძალვის დღეს.

ღვინო შემოაკლდათ და არაყი ჩადგეს შიგადაშიგ.

ხაშლამის სუნი იდგა მხოლოდ — ხორცი სანახევროდაც არ გასწვდათ...

თხილების სიღრმეში, ბომბონჯღრეულ ქვის მაგიდას ორი ახალგაზრდა უზის. უწყისებივით დაუხაზიათ რვეულები და ინერენ — ვინ რამდენი შეანია ჭირისუფალს.

უმეტესად ათ-ათ ლარს აწვევენ, აქა-იქ — ხუთს. გამოურევა მავანი (უახლოესი ნათესავი), თხუთმეტსაც მიუთვლის!..

დაფაცურდებიან გახარებული ბიჭები, ჭიქა ღვინოზე იქვე შეიპატიუებენ, ჩვენც ყელი გვიშრებაო!..

მეცამეტე ნომრად (იღბალი არ გინდა!) სამოციოდე წლის რეზინის ჩექმებიანი კაცი ჩაენერა, თქვა გვარ-სახელი და ყრუდ ჩაიბუტბუტა: ათი ლარი, ნი-

სიად!..

თითქოს გატეხას ელოდნენო, იმატა და იმატა ნისიებმა!.. „ხუთი ლარი“; „შვიდი ლარი, ნისიად“.

მოთავდა ქელეხი, იანგარიშეს შეგროვილი თანხა და გაოგნებული დარჩნენ: დანახარჯმა რვაას ლარს მიაღწია, შემოსავალმა — სპამას!

რალა თქმა უნდა, ვერ გადაიხადა ჭირისუფალმა კვირის თავზე პროცენტის ვალი!..

საცაა, „ორმოციც“ მოუნევს და ელეთ-მელეთი მოსდით — როგორ, საიდან, რით!..

ამასობაში, ერთ-ერთ ნისიად ჩაწერილსაც მოუკვდა

მოხუცი დედა.

ისინიც ნასესხები ფულით იხდიან ქელეხს.

სხვებთან ერთად, იმ ოჯახის მარჩენალის ჭირისუფალიც მივიდა მთელი ჯვალბით დაკრძალვაზე.

მიუახლოვდა „საგადასახადო მაგიდას“, ამანაც ჩაანერინა გვარი, სახელი, მამის სახელი და რიხიანად თქვა: ჩაწერეთ ჩემგან ოცი ლარი!..

ლამის ფეხზე წამოიჭრნენ ბიჭები!..

ბოლოს ხმამაღლა დაუმატა: ნისიად!..

დრო იყო, მართლაც ეჯიბრებოდნენ ერთმანეთს — ვინ მეტს შეანევდა ჭირისუფალს...

დრო დადგა, მალე შეეჯიბრებიან ერთმანეთს — ვინ მეტს შეანევს... ნისიად!..

რაც მთავარია, ეს პროცესი — სიკვდილიანობაც და ნისიად შესაწევარიც — თანდათან სტაბილური ხდება, რაიც, თავისთავად, რალა თქმა უნდა, ლარის კურსის სტაბილურობაზეც მეტყველებს!..

## ქელეხის შემოსავალ-გასავალი

„ნიანგი“ ახმეტის რაიონის სატყეო მეურნეობას ეს-  
ტუმრა და ერთი კითხვა დაუსვა:

ხე-ტყის უკანონო მჭრელები გამოვლენილი გაყოთ თუ  
არა?

პატივცემულო „ნიანგი“ — ბრაკონიერები ჩვენს მიერ გა-  
მოვლენილია, წარმოგიდგინთ სიას:

ფიცხელაური ზეზვა	-	გაზ-66
ჭიჭიაშვილი გობიტა	-	ზილ-131
ბაღდათაშვილი ზურაბი	-	გაზ-66
არაშიძე დათო	-	გაზ-66
დავითაშვილი მიხა	-	ზილ-131
მებაღეშვილი გოჩა	-	გაზ-66
გობგოშვილი გოდერძი	-	გაზ-66
ჭარუშიშვილი ბია	-	გაზ-63
ქისტაშვილი ნიკო	-	ზილ-157
გობგიაშვილი ლადო	-	ზილ-131
ბაგუაშვილი ამირანი	-	გაზ-66
ყვინციშვილი ცაგარი	-	ზილ-131
თურქიაშვილი ზურაბი	-	ურალი
ჭიჭიაშვილი ოსიკო	-	ზილ-157
შათირიშვილი პაატა	-	ზილ-131
ფატიშვილი ბივი	-	გაზ-66
ოძროცვარიძე ვასიკო	-	ტრაქტორი „ბელორუსი“

ბოლოს კიდევ ერთი კითხვა გაგიჩნდა: განა გამოვლენა  
საკმარისია ამ უკანონობის აღმოსაფხვრელად?

ალ. იმერლიშვილი

„ნიანგის“ კორესპონდენტი

## «ნიანგი» გადღობას უხდის

ეროვნული  
ბიბლიოთეკა

ჟურნალის ტირაჟის გავრცელებაში გა-  
ნეული თანადგომისათვის საქართველოს  
რაიონების ადმინისტრაციის მესვეურებს  
და საქმიან ადამიანებს:

### თბილისში

ავთანდილ თათეშვილს, გიორგი ტალახა-  
ძეს, ოთარ ქარქუსაშვილს.

### შიდა ქართლში

გოგი ჩხიკვაძეს, ივანე თეთრუაშვილს, დი-  
მიტრი დავითიშვილს, თემურ ბლუაშვილს,  
ჯუმბერ ქობლიანიძეს, გივი ცალქალაძისძეს,  
რომან გვიშიანს, ოლეგ ლომიძეს, თემურ ლო-  
მიძეს, ოთარ ჭიღლაძეს.

### პანკისში

თელავის რაიონის პოლიციის უფროსს  
ლევან მწყერაძეს და საგზაო პოლიციის  
უფროსს ზაზა აბაშიძეს.



ნახ. მ. ავაშიისა



ჟურნალი „ნიანგი“, №4 (1899)  
ნოემბერი, 1998 წ.  
გამოდის 1923 წლის ივნისიდან

მთავარი რედაქტორი ბექან სიხარულიძე


სარედაქციო კოლეგია: მურთაზ აბაშიძე,  
ჭაბუა ამირეჯიბი, ვახტანგ დონხაძე (ტექნიკური  
რედაქტორი), რევაზ თვარაძე, ჯემალ ლოლუა  
(მხატვარ-რედაქტორი). რევაზ მიშველაძე, ჯე-  
მალ ქარაზანიშვილი, ლერი ჩანტლაძე  
(ლიტერატურული რედაქტორი), ჯანსუღ ჩარკ-  
ვიანი, თამაზ წიწვიძე.

ხელმოწერილია დასაბეჭდად 20.10.98; ფორმატი  
60X84 1/8; სააღრ.-საგამომცემლო თაბახი 2; შვევ.  
№ 1488; ტირაჟი 5000; გამომცემლობა „სამშობ-  
ლოს“ სტამბა. ჟურნალი გამოდის თვეში ერთ-  
ხელ; რეგისტრირებულია ქ. თბილისის მთაწმინ-  
დის რაიონის სასამართლოს მიერ; რეგისტრა-  
ციის №4/4—1263.

რედაქციის მისამართი: 380008. თბილისი  
— 8; რუსთაველის პროსპექტი №42.  
ტელეფონები: 93-19-42, 99-55-54, 93-49-32.

ინდექსი 76137

ფასი 60 თეთრი



— გაიგე ქაბა?! თურქეთ-საქართველოს ბიზნეს-მეცნიერების ახალი გამოგონება ყოფილა: აგი მოჭრილი ხე-ტყე კარგად ხარობს თურმე თურქეთში, ხოლო ამის მომჭრელი კი საქართველოში!

ნახ. ჯ. ლოლუასი  
თემა შ. სიხარულიძისა